

四庫全書

集部

欽定四庫全書

集部

御定全唐詩卷六百五十八

五至

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官庶吉士臣范鰲

謄錄監生臣戴朝琬

欽定四庫全書

御定全唐詩卷六百五十五

羅隱

羅隱字昭諫餘杭人本名橫十上不中第遂更名從事
湖南淮潤無所合久之歸投錢鏐累官錢塘令鎮海軍
掌書記節度判官鹽鐵發運副使著作佐郎奏授司勳
郎朱全忠以諫議大夫召不行魏博羅紹威推為叔父
表薦給事中年七十七卒隱少聰敏既不得志其詩以

風刺為主有歌詩集十四卷甲乙集三卷外集一卷今
編詩十一卷

曲江春感

一題作
歸五湖

江頭日暖花又開江東行客心悠哉高陽酒徒半彫落
終南山色空崔嵬聖代也知無棄物侯門未必用非才
一船明月一竿竹家住一作在五湖歸去來

皇陂

皇陂潏潏深復深陂西下馬聊登臨垂楊風輕弄翠帶

鯉魚日暖跳黃金三月窮途無勝事十年流水見歸心

輸他谷口鄭夫子偷得閒名說一作直至今

寄鄭補闕

夫子門前數仞牆每經過處憶遊梁路從青瑣無因見
恩在丹心不可忘未必便為讒口隔只應一作因貪草諫
書忙別來愁悴知多少兩度槐花馬上黃

牡丹花

似共東風

一作君

別有因絳羅高卷不勝春若教解語應

傾國任是無情亦

一作也

動人芍藥與君為近侍芙蓉何

處避芳塵可憐韓令功成後辜負穠華過此身

黃河

莫把阿膠向此傾此中天意固難明解通銀漢應須曲
纔出崑崙便不清高祖誓功衣帶小仙人占斗客槎輕
三千年後知誰在何必勞君報太平

汴河

當時天子是閒遊今日行人特地愁柳色縱饒妝故國

水聲何忍到揚州
乾坤有意終難會
黎庶無情豈自由
應笑秦皇用心錯
謾驅神鬼海東頭

西京崇德里居

進乏梯媒退又難
強隨豪貴殫長安
風從昨夜吹銀漢
淚擬何門落玉盤
拋擲紅塵應有恨
思量仙桂也無端
錦鱗賴尾平生事
却被閒人把釣竿

投所思

顙賴長安何所為
旅魂窮命自相疑
滿川碧嶂無歸日

一榻紅塵有淚時，雕琢只應勞郢匠。膏肓終恐誤秦醫，
浮生七十今三十。從此悽惶未可知。

經張舍人舊居

一題作河中經故
翰林張舍人所居

行塵不是昔時塵，謾向朱門憶侍臣。一榻已無開眼處，
九泉應有愛才人。文餘吐鳳他一作當年，詔樹想棲鸞舊。

日春從此恩深轉

一作深
恩更

難報夕陽衰草淚

一作
獨

沾巾

雒城作

大鹵旌旗出洛濱，此中煙月已埃塵。更無樓閣尋行處，

只有山川識野人，早得鑄金誇范蠡。
旋聞垂釣哭平津，舊遊難得時難遇。
回首空城百草春。

姑蘇城南湖陪曹使君遊

水蓼花紅稻穗黃，使君蘭棹汎迴塘。
倚風荇藻先開路，迎旆鳬鷺盡著行。
手裏一作內兵符神與術，腰間金印綵
為囊。少年太守勲庸盛，應笑燕臺兩鬢霜。

秋日有寄姑蘇曹使君

多病無因權小舟，闔閭城下謁名侯。
水寒不見雙魚信，

風便唯聞五袴謳
早說用兵長暗合
近傳觀稼亦閑遊
須知謝奕依前醉
閒阻清談又一秋

送章碣赴舉

革鹿歌中別酒催
粉闌星彩動昭回
久經離一作離亂心

應破乍覩昇平眼
漸開顧我昔年悲
玉石憐君今日蘊
風雷龍門盛事無
因見費盡黃金老
隗臺

寄楊秘書

湖水平來見鯉魚
偶因烹處得瓊琚
披尋藻思千重後

吟想冰光萬里餘
漳浦病來情轉薄
赤城吟苦意何如
錦衣公子憐君在
十載兵戈從板輿

往年進士趙能卿嘗話金庭勝事見示叙

會稽詩客趙能卿
往歲相逢話石城
正恨故人無上壽
喜隨良宰有高情
山朝佐命層層聳
水接飛流步步清
兩火一刀罹亂後
會須乘興雪中行

得宣州竇尚書書因投寄二首

雙魚迢遞到江濱
傷感南陵

一作南陵陽

舊主人萬里朝臺

勞寄夢十年侯國阻趨塵尋知亂後嘗辭祿共喜間來
得養神時見齊山敬亭客不堪戎馬戰征頻

曾逐旌旗過板橋世途多難竟蓬飄步兵校尉辭公府
車騎將軍憶本朝醉裏舊遊還歷歷病中衰鬢奈蕭蕭
遺簪隋履應留念門客如今只下僚

雪

細玉羅紋下碧霄杜門顏

一作頰

巷落偏饒巢居只恐高

柯折旅客愁聞去路遙擲凍野蔬和粉重埽庭松葉帶

酥燒寒窗呵凍尋詩句一片飛來紙上銷

暇日有寄姑蘇曹使君兼呈張郎中郡中賓僚

嘉植

一作樹

陰陰覆劒池此中能政動神祇湖邊觀稼雨

迎馬城外攜軍風滿旗融酒徒誇無算爵儉蓮還少最
高枝珊瑚筆架真珠履曾和陳王幾首詩

寄右省王諫議

耳邊要靜不得靜心裏欲閒終未閒自是宿緣應有累

可能時

一作世

事更相關魚慙張翰辭東府鶴怨周顒負

北山看却金庭芝朮老又驅車入七人班

焚書坑

千載遺蹤一窖塵路傍耕者亦傷神
祖龍算事渾乖角將謂詩書活得人

始皇陵

荒堆無草樹無枝嬾向行人問
昔時六國英雄漫多事到頭徐福是男兒

送沈先輩歸送

一作宋

上嘉禮

一題作送沈光及弟後東歸兼赴嘉

禮

青青月

一作仙

桂觸人香白紵衫輕稱沈郎好繼馬卿歸

故里況聞山簡在襄陽盃傾別岸應

一作終

須醉花

一作草

傷征車漸欲芳擬把金錢贈

一作助

嘉禮不堪栖屑困名

場

春日葉秀才曲江

江花江草暖相隈

一作假

也向江邊把酒杯春色惱人遮

不得別愁如瘴避還來安排賤跡無良策裨補明時望

重才一曲吳歌齊拍手十年塵眼未曾開

西京道德里

秦樹團團夕結陰此中莊舄動悲吟一枝丹桂未入手
萬里蒼波長負心老去漸知時態薄愁來唯願酒杯深
七雄三傑今何在休為閒人淚滿襟

憶夏口

漢陽

江一作

渡口蘭為舟漢陽

江一作

城下多酒樓當

芳一作

年不得盡一醉別夢有時還重遊襟帶可憐吞楚塞

作一

塞

風煙只好狎

一作好
足冷

江鷗月明更想曾行處吹笛橋

邊木葉秋

武牢關

楚人曾此限封疆不見清陰六里長一壑暮聲何怨望
數峰秋勢自顛狂由來四皓須神伏大抵秦皇謾氣強
欲學雞鳴試關吏太平時節嬾思量

途中獻晉州孟中丞

太平天子念蒲東又委星郎養育功昨日隼旟辭闕下

今朝珠履在河中樓移庾亮千山月樹待袁宏一扇風
不及政成應入拜晉州何足展清通

長安秋夜

遠聞天子似義皇偶捨漁鄉入帝鄉五等列侯無故舊
一枝仙桂有風霜燈歎短焰燒離鬢漏轉寒更滴旅腸
歸計未知身已老九衢雙闕夜蒼蒼

春晚寄鍾尚書

宰府初開忝末塵四年談笑隔通津官資肯便矜中路

酒醖還應憶故人江畔舊遊秦望月檻前公事鏡湖春
如今莫問西禪一作城塢一炷寒香老病身

秋曉

一作晚

寄友人

洞庭霜落水雲秋又汎輕漣任去留世界高談今已得
宦途清貴舊曾遊手中綵筆誇題鳳天上泥封獎狎鷗
更見南來釣翁說醉吟還上木蘭舟

秋日有酬

一題作感德叙懷寄上羅鄴王三首餘二在七卷一作寄王師範

舊一作感

業傳家有寶

一作佩

刀近聞餘力

一作揮刀

更揮毫腰

間印佩

一作綬

黃金重

一作樞

卷裏

一作內

詩裁

一作文章

白雪高

讌罷嘉賓吟鳳藻獵歸

一作回

諸將問龍韜分茅列土

一作

登壇甲子

纔三十猶擬迴頭睹

一作奪

錦袍

所思

梁王兔苑荆榛裏煬帝雞臺夢想中
只覺惘然悲謝傅
未知何以報文翁
生靈不幸台星拆造化無情世界空
劃盡寒灰始堪歎滿庭霜葉一窗風

送魏校書兼呈曹使君

亂離

一作羅

無計駐生涯又事東遊惜歲華村店酒旗沽

竹葉野橋梅雨泊蘆花
讐書發跡官雖屈負米安親路
不賒應見使君論世舊埽門重得向曹家

四皓廟

漢惠秦皇事已聞
廟前高木眼前雲
楚王謾費閒心力
六里青山盡屬君

浮雲

一本題上無浮字

溶溶曳曳自舒張
不向蒼梧即帝鄉
莫道無心便無事

也曾愁殺楚襄王

早發

一作行

北去南來無定居此生計竟何如
酷憐一覺平明睡

長被雞聲惡破除

一作鄰雞半夜啼

香

一本題上有詠字

沈水良材食柏珍博山煙

一作爐

煖玉樓春憐君亦是無

端物貪作馨香忘却身

鄴城

一本作銅雀臺之二

臺上年年拚翠蛾
臺前高樹夾漳河
英雄亦到分香處
能共常人較幾多

御定全唐詩卷六百五十五

欽定四庫全書

御定全唐詩卷六百五十六

羅隱

七夕

絡角星河菡萏天
一家懽笑設紅筵
應傾謝女珠璣篋
盡寫檀郎錦繡篇
香帳簇成排窈窕
金鍼穿罷拜嬋娟
銅壺漏報天將曉
惆悵佳期一作人又一年

送臧漬下第謁竇鄜州

賦得長楊不直錢却來京口看鶯遷也知絳灌輕才子
好謁尤一作元常醉少年萬里故鄉雲縹緲一春生計淚
瀾沈多情柱史應相問與話歸心正浩然

清明日曲江懷友

君與田蘇即舊遊我於交分亦綢繆二年隔絕黃一作重
泉下盡日悲涼曲水頭鷗鳥似一作自能齊物理杏花疑
欲伴人愁寡妻稚子應寒食遙望江陵一淚流

送鄭州嚴員外

欲將刀筆潤王猷東去先分聖主憂滿扇好風吹鄭圃
一車甘雨別皇州尚書磧冷鴻聲晚僕射陂寒樹影秋
從此文星在何處武牢關外庾公樓

孫員外赴闕後重到三衢

遠山高樹思悠哉重倚危樓盡一杯謝守已隨徵詔入
魯儒猶逐斷蓬來地寒謾憶移暄手時急方須濟世才
宣室夜闌如有問可能全忘未焚灰

衡陽泊木居士廟下作

一題作題
木居士廟

烏

一作鳥

噪殘陽草滿庭此中枯木似人形只應神鬼一作

物長為主未必浮槎即有靈八月風波飄不去四時黍

稷薦惟馨南朝庾信無因賦牢落祠前水氣腥

鍾陵見楊秀才

一題作見進士楊尋

孺亭滕閣少踟躕三度南遊一事無祇覺流年如鳥逝

不知何處有龍屠

一作圖

雲歸洪井枝柯斂水下漳

一作章

江氣色羸賴得與君同此醉醒來

一作醒

愁被鬼揶揄

自湘川東下立春泊夏口阻風登孫權城

吳門此去逾千里，湘浦離來想數旬。
只見風師長占路，不知青帝已行春。
危憐壞堞猶遮水，狂愛寒梅欲傍人。
事往時移何足問，且憑村酒暖精神。

春日憶湖南舊遊寄盧校書

旅榜前年過洞庭，曾提刀筆事甘寧。
瑤筵離隔將軍幕，

朱履頻窺處士星。

校書自處士受命爾

恩重匣中孤劍在，夢餘江

畔數峰青。金貂見賜嘉賓散，回首昭丘一涕零。

賀淮南節度盧員外賜緋

儉蓮高貴九霄聞
策策朱衣降五雲
驄馬早年曾避路
銀魚今日且從軍
御題綵一作緋服垂天
眷袍展花心透
縠紋應笑當年老
萊子鮮華都自降
明君

春日獨遊禪智寺

樹遠連天水接空
幾年行樂舊隋宮
花開花謝一作落還

長一作如此人去人來自不同
鸞一作楚鳳調高何處酒吳

牛蹄健滿車風思量只合騰騰醉
煮海平陳一一作盡夢

中

和淮南李司空同轉運員外

一本題下有送韋士赴四字一作同

轉運虛員外賜緋

層層高閣舊瀛洲此地須徵第一流丞相近年縈

一作縈

倚望重才今日喜遨遊榮持健筆金黃貴恨咽離筵管吹秋誰繼伊臯送行句梁王詩好郢人愁

后土廟

四海兵

一作干

戈尚未寧始於雲外學

一作設勞淮海宮

儀形九

天玄女猶無聖后土夫人豈有靈一帶好雲侵鬢綠兩

層

一作行

危岫拂眉青韋郎年少知何在

一作曉聞事

端坐思

量

一作案上休看

太白經

金陵夜泊

冷煙輕澹

一作霽雨

傍衰叢此夕秦淮駐斷蓬樓鴈

一作鳥

遠驚沽酒火亂鷗高避落帆風地銷王氣波聲急山帶

秋陰樹影空六

一作數

代精靈人不見思量應在月明中

上江州陳員外

寒江九派轉城樓東下鍾陵第一州人自中

一作鍾

臺方

貴盛地從西晉即風流舊班久望鵷晴翥餘力猶聞虎
夜浮應恨屬官無健令異時佳節阻閒遊

廣陵開元寺閣上作

滿檻山川漾落暉檻前前事去如飛雲中雞犬劉安過
月裏笙歌煬帝歸江蹙海門帆散去地吞淮口樹相依
紅樓翠幕知多少長向東風有是非

上鄂州韋尚書

往歲先皇馭九州侍臣才業最風流文窮典故雖餘力

俗致雍熙盡密謀
蘭省換班青
作綬柏臺前引絳為
都緣未負江山興
開濟生靈按一秋

早春已陵道中

遠雪亭亭望未銷
岳陽春淺似相饒
短蘆冒土初生笋
高柳偷風已弄條
波沉洞庭獺獼健
谷連荆楚鬼神妖
中流菱唱泊何處
一隻畫船蘭作橈

廣陵秋日酬進士臧漬見寄

驛西斜日滿窗前

一作蟬

獨凭秋欄思渺綿

一作燕

數尺斷

蓬慚故國一輪清鏡泣流年已知世事真徒爾縱有心
期亦偶然空媿荀家好兄弟鴈來魚去是因緣

淮南送李司空朝覲

聖君宵旰望時雍丹詔西來雨露濃宣父道高

一作楚客狂歌

休歎鳳武侯才大本吟

一作猶

龍九州似鼎終須負萬物

為銅只待鎔臘後春前更何事便看經度奏東封

秋日禪智寺見裴郎中題名寄韋瞻

野寺疎鐘萬木秋偶尋題處認名侯官離南郡應閒暇

地勝東山想駐留
百醖濃醪成別夢
兩行垂露潄羈愁
心知只有韋公在
更對真蹤話舊遊

廣陵春日憶池陽有寄

煙水濛濛接板橋
數年經歷駐征橈
醉凭危檻波千頃
愁倚長亭柳萬條
別後故人冠獬豸
病來知己賞鵝鷄
清流夾宅千家住
會待閒乘一信潮

春中

一作日

湘中題岳麓寺僧舍

一作院

蟾宮虎穴兩皆休
來凭危欄送遠愁

一作秋

多事林鶯還

謾語薄情邊鴈不迴頭春融只待

一作恐

乾坤醉水濶深

知世界浮欲共高僧話心迹野花芳

一作荒

草柰相尤

出試後投所知

此日

一作去

蓬壺兩日程當時消息甚分明桃須曼倩催

方熟橘待洪崖遣始行鳥外音書應有意眼前塵土漸

無情莫教

一作交

更似山西鼠啗破愁腸恨一生

湘南春日懷古

晴江春暖蘭蕙薰鳬鷺冉冉鷗著羣洛陽賈誼自無命

少陵杜甫兼

一作編

有文空濶遠帆遮落日蒼茫野樹礙

歸雲松醪酒好昭潭靜閑過中流一弔君

江州望廬山

東南蒼翠何崔嵬橫流一望幽抱開影寒已令水底去
脚濶欲過湖心來深處不唯容鬼怪暗中兼恐有風雷
仙人往往今誰在紅杏花香重首迴

金陵寄竇尚書

二年岐路有西東長憶優游楚驛中虎帳談高無客繼

馬卿官傲少人同，世危肯使依劉表。
山好猶能憶謝公，此去此恩言不得。
謾將閑淚對春風。

清溪江令公宅

蠻牋象管夜深時，曾賦陳宮第一詩。
宴罷風流人不見，

廢來蹤跡草應知。

一作何宜

鶯憐勝事啼空巷。

一作谷

蜨戀餘

香舞好枝，還有往年金甌井牧童。
樵叟等閑窺

鄭州獻盧舍人

時本官王令公
收復兩京後

海槎閑暇，闌風輕，不是安流不肯行。
雞省露濃，湯餅熟。

鳳池煙暖詔書成漁籌已合光儒夢

一作學

堯印何妨且

治兵會待兩都收復後右圖儀表左題名

別池陽所居

黃塵初起此留連火耨刀耕六七年
雨夜老農傷水旱雪晴漁父共舟船
已悲世亂身須去肯媿途危跡屢遷
却是九華山有意列行相送到江邊

送內使周大夫自杭州朝貢

八

一作八

都上將近平戎便附輜軒奏聖聰
三接

一作定

駕

前朝覲禮一函江表戰征功雲間閣苑何時見水底瑤池觸處通知有殿庭餘力在莫辭消息寄西風

酬黃從事懷舊見寄

舊遊不合到心中把得君詩意亦同水館酒闌清夜月香街人散白楊風長繩繫日雖難絆辨口談天不易窮世事自隨蓬轉在思量何處是飛蓬

繡第一句
缺三字

一片絲羅

洞房西室女工勞花隨玉指添春色

鳥逐金鉞長羽毛蜀錦謾誇聲自貴越綾虛說價功高
可中用作鴛鴦被紅葉枝枝不礙刀

西施

家國興亡自有時吳人何苦怨

一作進

西施西施若解傾

吳國越國亡來又是誰

自遣

得即高歌失即休多愁多恨亦悠悠今朝有酒今朝醉
明日愁來明日愁

白角簷

白似瓊瑤滑似苔隨梳伴鏡拂塵埃莫言此箇尖頭物
幾度撩人惡髮來

銅雀臺

強歌強舞竟難勝
花落花開淚滿膺
祇合當年伴君死
免交憔悴望西陵

鸚鵡

莫恨雕籠翠羽殘
江南地暖隴西寒
勸君不用分明語

語得分明出轉難

金錢花

占得佳名繞樹芳
依依相伴向秋光
若教一作交此物堪

一作也收貯應被豪門盡
劒將

梅一本題上有紅字

天賜胭脂一抹腮
盤中磊落笛中哀
雖然未得和羹便
曾與將軍止渴來

御定全唐詩卷六百五十六

欽定四庫全書

御定全唐詩卷六百五十七

羅隱

錢尚父生日

大昴分光降斗牛興唐宗社作諸侯伊夔事業扶千載
韓白機謀冠九州貴盛上持龍節鉞延長應續鶴春秋
錦衣玉食將何報一作補更俟莊椿一舉頭

寄前戶部陸郎中

出馴桑雉入朝簪蕭灑清名映士林近日篇章欺

一作期

白雪早年詞賦得黃金桂堂縱道探龍領蘭省何曾駐
鶴心離亂事多人不會酒濃花暖且閑吟

登瓦棺寺閣

下盤空跡上雲浮偶逐僧行步步愁暫憩已知須用意
漸來爭忍不回頭煙中

一作鐘

樹老重江晚鐸外風輕四

境秋嬾指臺城更東望鵲飛龍鬬盡荒丘

九華山費徵君所居

草堂何處試徘徊見說遺蹤向此開
蟾桂自歸一作啼三

徑後鶴書曾降九天來白雲事跡依前在青瑣光陰竟

不迴盡夕為君思曩日一作昔野泉鳴咽路莓苔

途中寄懷

不知何處是前程合眼騰騰信馬行
兩鬢已衰時未遇

一作與數峰雖在病相櫻塵埃鞏洛虛光景詩酒江湖漫

姓名試哭軍門看誰問舊來還似禰先生

京口見李侍郎

嗟嗟江柳欲矜春
鐵甕城邊見故人
屈指不堪言甲子
披風常記是庚申
別來且喜身俱健
亂後休悲業盡貧
還有杖頭沽酒物
待尋山寺話逡巡

秋日酬張特玄

病寄南徐兩度秋
故人依約亦揚州
偶因鴈足思閒事
擬棹孤舟訪舊遊
風急幾聞江上笛
月高誰共酒家樓
平生意氣消磨盡
甘露軒前看水流

登高詠菊盡

一作李
山甫詩

籬畔霜前偶得存，苦教遲晚避蘭蓀。
能銷造化幾多力，不受陽和一點恩。
生處豈容依玉砌，要時還許上金樽。
陶公沒後無知己，露滴幽叢見淚痕。

登夏州城樓

寒聲獵獵戍旗風，獨倚危樓悵望中。
萬里山河一作川唐土地千年魄，晉英雄離心不忍聽。
邊馬往事應須問，塞鴻好脫儒冠從校尉。
一枝長戟六鈞弓。

水邊偶題

野水無情去不

一作早

回水邊花好為誰開只知事逐眼

前去

一作過

不覺老從頭上來窮似丘軻休歎息達如周

召亦塵埃思量此理何人會蒙邑先生最有才

故洛陽公鎮大梁時隱得遊門下今之經歷事

往人非聊抒所懷以傷以謝

孤舟欲泊思何窮曾憶西來值雪中珠履少年初滿座
白衣遊子也從公狂拋賦筆琉璃冷醉倚歌筵璫瑁紅
今日斯文向誰說淚碑棠樹兩成空

杜陵秋思

南望商於北帝都兩堪棲託兩無圖
只聞斥逐張公子不覺悲同楚大夫
巖畔早涼生紫桂井邊疎影落高梧
一杯淥酒他年憶瀝向清波寄五湖

隱嘗在江陵忝故中令白公叨蒙知遇
今復重過渚宮感事悲身遂成長句

往歲鄱侯鎮渚宮曾將清律暖孤蓬
才憐曼倩三冬後藝許由基一箭中
言重不能輕薄命地寒終是泣春風

鳳凰池涸

一作也合

台星折迴首岐山憶至公

夜泊毘陵無錫縣有寄

草蟲幽咽樹

一作露

初圓獨繫孤舟夜已闌濁浪勢奔吳

苑急疎鐘聲徹惠山寒愁催鬢髮凋何易貧戀家鄉別
漸難他日親朋應大笑始知書劍是無端

桃花

一作杏花

暖觸衣襟漠漠香間梅遮柳不勝芳數枝豔拂文君酒
半里紅歌宋玉牆盡日無人疑悵望有時經雨乍

一作更

淒涼舊山山下還如此迴首東風一斷腸

筆勢驛

拋擲南陽

一作鄉

為主憂北征東討盡良籌時來天地皆

同力運去英雄不自由千里山河輕孺子兩朝冠劍恨
譙周唯餘巖下多情水猶解年年徬驛流

重過隨州故兵部李侍郎恩知因抒長句

一本隨州

下有憶字

莊周高論伯牙琴閑夜思量淚滿襟四海共誰言近事

九原從此負初心
鷗翻漢浦風急鴈下鄖溪霧雨深
慙媿蒼生還有意
解歌襦袴至如今

商於驛樓東望有感

山川去接漢江東
曾伴隋侯醉此中
歌繞夜梁珠宛轉
舞嬌春席雪朦朧
棠遺善政陰猶在
薤送哀聲事已空
惆悵知音竟難得
兩行清淚白楊風

寄南城韋逸人

杜甫詩中韋曲花至今無賴尚

一作向

豪

一作家

家美人曉

折露沾袖公子醉時香滿車萬里丹青傳不得二年風
雨恨無涯羨他南澗高眠客春去春來任物華

梅花

吳王醉處十餘里照野拂衣今正繁經雨不隨山鳥散

倚風疑

一作如

共路人言愁憐粉豔飄歌席靜愛寒香撲

酒罇欲寄所思無好信為人

一作君

惆悵又黃昏

淮南高駢所造迎仙樓

鸞音鶴信杳難迴鳳駕龍車早晚來仙境是誰知處所

人間空自造樓臺雲侵朱檻應難到蟲一作塵網閑窗永

不開子細思量成底事露凝風擺作塵埃

和禪月大師見贈

高僧惠我七言詩頓豁塵心展白眉秀似谷中花媚日
清如潭底月圓時應觀法界蓮千葉肯折人間桂一枝
漂蕩秦吳十餘載因循猶恨識師遲

謁文宣王廟

晚來乘興謁先師松柏淒淒人不知九仞蕭牆堆瓦礫

三間茅殿走狐狸雨淋狀似悲麟泣露滴還同歎鳳悲

僅使小儒名稍

一作粗

立豈教吾道受栖遲

代文宣王答

三教之中儒最尊止戈為武武尊文吾今尚自披蓑笠
你等何須讀典墳釋氏寶樓侵碧漢道家宮殿拂青雲
若教顏閔英靈在終不羞他李老君

重送朗

一作閔

州張員外

朱輪此去正春風且駐青雲

一作門

一作聽

斷蓬一榻早年

容孺子雙旌今日別文翁誠知汲一作與善心長在爭柰

干時跡轉窮酬德酬恩兩無路謾勞惆悵鳳城東

廣陵秋夜讀進士常修三篇因題

入蜀歸吳三首詩藏於笥篋重於師劒關夜讀相如聽
瓜步秋吟煬帝悲景物也知輸健筆時情誰不許高枝
明年二月春風裏江島閑人慰所思

逼試投所知一作思

挑在仙翁舊苑傷暖煙輕靄撲人香十年此地頻偷眼

二月春風最斷腸
曾恨夢中無好事
也知囊裏有仙方
尋思仙骨終難得
始與回頭問玉皇

漢江上作

漢江波浪淥於苔
每到江邊病眼開
半雨半風終日恨
無名無跡幾時迴
雲生岸谷秋陰合
樹接帆檣晚思來
對此空慚聖明代
忍教纓上有塵埃

秋夜寄進士顧榮

秋河耿耿夜沈沈
往事三更盡到心
多病謾勞窺聖代

薄才終是費知音家山夢後帆千尺塵土搔來髮一簪
空羨良朋盡高價可憐東箭與南金

寄渭北徐從事

暖雲慵隋柳垂條驄馬徐郎過渭橋官秩舊參荀祕監
罇罍今伴霍嫖姚科隨鵠箭頻曾中禮向侯弓以重招
莫恨東風促行李不多時節却歸朝

徐寇南逼感事獻江南知己次韻

酒闌離思浩無窮西望維揚憶數

一作次

公萬里飄零身

未了一家知獎意曾同雲橫一作遮晉國塵應暗路轉吳

江信不通今日便成盧子諒滿襟珠淚隨霜風

寄三衢孫員外

小敷文伯見何時南望三衢渴復飢天子未能崇典誥
諸生徒欲戀旌旗風高綠野苗千頃露冷平樓酒滿卮
盡是數旬陪奉處使君爭肯不相思

淮南送盧端公歸臺

鳳鸞勢逸九霄寬北去南來任羽翰朱紱兩參一作驂王

儉府繡衣三領杜林官道從上

一作澤

國曾匡濟才向牢

盆始重難應笑張綱謾生事理輪不得在長安

煬帝陵

入郭登橋出郭船紅樓日日柳年年君王忍把平陳業

只博

一作換

雷塘數畝田

馬嵬坡

佛屋前頭野草春貴妃輕

一作香

骨此為塵從來絕色知

難得不破

一作得

中原未是人

柳

灞岸晴來送別頻，相偎相倚不勝春。
自家飛絮猶無定，

爭解垂絲絆路人。

一作爭把長條絆得人。

隋堤柳

夾路

一作岸

依依千

十一作十

里遙。路人回首認隋朝，
春風未

借

一作惜

宣華意，猶費工夫長綠條。

孟浩然墓

數步荒榛

一作村

接舊蹊。寒江

一作郊

漠漠草

一作雨

淒淒

一作

卷六十五
姜鹿門黃土無多少恰到書一作生塚便低

秦紀

長策東鞭及海隅
鼉鼉奔走鬼神趨
憐君未到沙丘日
肯信人間有死無

仙掌

掌前流水駐無塵一作辰
掌下軒車日日新
謾向山頭高舉手
何曾招得路行人

御定全唐詩卷六百五十七

欽定四庫全書

御定全唐詩卷六百五十八

羅隱

詠月

一本題上無詠字一本月上有中秋二字

湖上風高動白蘋暫延清景此逡巡隔年違一作爲別成

一作因何事半夜相看似故人蟾向靜中矜爪距兔隈一作作

於明處弄精神嫦娥老大應惆悵倚泣一作獨倚蒼蒼桂一

輪

宿荊州江陵驛

一作館

西遊象闕媿

一作跡闕

知音東下荆溪稱越吟風動芰荷香

四散月明

一作高

樓閣影相侵閒歌別枕千般夢醉送征

帆萬里心薜荔衣裳木蘭識異時煙雨好追尋

撫州別阮兵曹

雪晴天外見諸峰幽軋行輪有去蹤內史宅邊今獨恨
步兵厨畔舊相容十年別鬢疑朝鏡千里歸心著晚鐘
若不他時更青眼未知誰肯薦臨邛

新安投所知

少年容易捨樵漁曾辱明公薦
子虛漢殿夜寒時不食
宋都風急命何疎雲埋野艇吟
歸去草沒山田賦遂初
長劍一尋歌一奏此心爭肯為
鱸魚

江邊有寄

江邊舊業半彫殘每軫歸心即
萬端狂折野梅山店暖
醉吹村笛酒樓寒只言聖代謀
身易爭奈貧儒得路難
同病同憂更何事為君提筆畫
漁竿

送友人歸夷門

二年流落大梁城，每送君歸，即有情。別路算來成底事，
舊遊言著似前生。一作荒嬾認詞人，會門在空。憐烈士，
名至竟，男兒分應定，不須惆悵谷中鶯。

湘中見進士喬誦

吳公臺下別經秋，破虜城邊暫駐留。一笑有情堪解夢，
數年無故處。一作不同遊。雲牽楚思橫，魚艇柳送鄉心入。
酒樓且酌松醪，依舊醉誰能相見，向春愁。

上雷川

一作贈湖州

裴郎中

貴提金印出咸秦
瀟灑江城兩度春
一派水清疑見膽
數重山翠欲留人
望崇早合歸黃閣
詩好何妨戀白蘋
自是受恩心未足
却垂雙翅羨吳均

錢塘江潮

怒聲洶洶勢悠悠
羅剎江邊地欲浮
漫道往來存大信
也知反覆向平流
任狂一作拋巨浸疑無一作傾
底猛過西

陵只

似一作

有頭至竟朝昏誰主掌
好騎鯨鯢問陽侯

送人赴職任褒中

物態時情難重陳
夫君此去莫傷春
男兒只要有知己
才子何堪更問津
萬轉江山通蜀國
兩行珠翠見褒人
海棠花謝東風老
應念京都共苦辛

臨川投穆中丞

試將生計問蓬根
心委寒灰首戴盆
翅弱未知三島路
舌頑虛掉五侯門
嘯煙白狄沈高木
擣月清砧觸旅魂
家在碧江歸不得
十年魚艇長苔痕

早春送張坤歸大梁

一題作早春送大梁盧從
弼一作送處士張坤歸汴

州

蕭蕭羸馬正

一作立

塵埃又送輶

一作歸

軒向吹臺別酒莫

辭今夜醉

一作酌

故人知是幾時回

一作來

泉經華岳猶應

凍花到梁園始合開為謝

一作若見

東門抱關吏

一作者

不堪

一作為言

惆悵滿離杯

東歸途中作

松

一作村

橘蒼黃覆釣磯早年生計近年違老知風月終

堪恨貧覺家山不易歸別岸客帆和鴈落晚程霜葉向
人飛買臣嚴助精靈在應笑無成一布衣

送進士臧漬下第後歸池州

賦成無處換黃金却向春風

一作東遊

動越吟天子愛才雖

仄席諸生多病又沾襟柳攀灞岸狂遮袂水憶池陽淥
滿心珍重綵衣歸正好莫將閒事繫升沈

湘中贈范鄴

丹桂無心彼此諳二年疎嬾共江潭愁知酒醖終難捨

老覺人情轉不堪雲外鴛鴦

一作鴛鴦

非故舊眼前膠漆似

煙嵐勞歌一曲

一作奏

霜風暮擊折湘妃白玉簪

寄張侍郎

衰羸豈合話荊州爭奈思

一作思

多不自由無路重趨桓

典馬有詩曾上仲宣樓塵銷別跡堪垂淚樹拂他門嬾
舉頭一種人間太平日獨教零落憶滄洲

渚宮秋

一作愁思

楚城日暮煙靄深楚人駐馬還登臨襄王臺下水無賴

神女廟前雲有心千載是非難重問一江風雨好閑吟
欲招屈宋當時魄蘭敗荷枯不可尋

閑居早秋

槐杪清蟬煙

一作咽

雨餘蕭蕭涼葉隨衣裾噪槎烏散沈

蒼嶺弄杵風高上碧虛百歲夢生悲蛺蝶一朝香死泣
芙蕖六宮誰買相如賦團扇恩情日日疎

建康

一作臺城

潮平遠岸草侵沙東晉衰來最可嗟庾舅已能窺帝室

王都

一作郎

還是預人家山寒老樹啼風曲泉暖枯骸動

芷

一作齒

牙欲起九原看一徧秦淮聲急日西斜

送舒州宿松縣傅少府

一題作送宿松傅少府

江蘿

一作離江

漠漠樹重重東過清淮到宿松縣好也知臨

浣水官閒應得看瀟峰春生綠野

一作草

吳歌怨雪霽平

郊楚酒濃留取餘杯待張翰明年歸棹一從容

經故洛陽城

敗垣危堞跡依稀試駐羸驂弔落暉跋扈以成梁冀在

簡書難問杜喬歸由來世事須翻覆未必餘才解是非
千載昆陽好功業與君門下作恩威

夏州胡常侍

百尺高臺勃勃州大刀長戟漢諸侯征鴻過盡邊雲濶
戰馬閒來塞草秋國計已推肝膽許家財不為子孫謀
仍聞隴蜀由多事深喜將軍未白頭

寄進士盧休

半年池口恨萍蓬今日思量已夢中遊子馬蹄難重到

故人尊酒與誰同
山橫翠後千重綠
蠟想歌時一燼紅
從此客程君不見
麥秋梅雨徧江東

贈

一作
馮

先輩令狐補闕

中間

一作
年

聲跡早薰然
阻避鈞衡過十年
碧海浪高終

濟物蒼梧雲好已歸天
花迎綵服離鶯谷
柳傷東風觸
馬鞭應念淒涼洞庭客
夜深雙淚憶漁船

送秦州從事

一枝何足解人愁
拋却還隨定遠侯
紫陌紅塵今別恨

九衢雙闕夜同遊
芳時易失勞行止
良會難期且駐留
若到邊庭有來使
試批書尾話梁州

湖州裴郎中赴闕後投簡寄友生

錦帳郎官塞

一作奉

詔年汀洲曾駐木
蘭船襴衡酒醒春

瓶倒柳惺詩成海
月圓歌聲遠山珠
滴滴漏催香燭淚
漣漣使君入拜吾
徒在宣室他時豈
偶然

秋日泊平望驛寄太常裴郎中

蘋洲重到杳

一作曾

難期西

一作徒

倚郵亭憶往時
北海尊

中常有酒東陽樓上豈無詩地清每負生靈望官重方
升禮樂司聞說江南舊歌曲至今猶自一作是唱吳姬

西塞山

在武昌界孫吳以之為西塞

吳塞當時指此山吳都亡後綠

一作水

孱顏嶺梅乍暖殘

妝恨沙鳥初晴小隊閑波濶魚龍應混雜壁危猿狖柰

一作正

姦一作驕

頑會將一副寒蓑笠來與漁翁作往還

秋日汴河客舍酬友人

一作汴州客舍有酬

梁宋追遊早歲同偶然違

一作為

別事皆空年如流水催

何急道似危途動即窮醉舞且欣連夜月狂吟還聚上
樓風煩君更枉騷人句白鳳靈虵滿袖中

東歸

仙桂高高似有神紹裘敝盡取無因難

一作惟

將白髮

期公道不覺丹枝屬別人雙闕往來慙請

一作聘

謁五湖

歸後恥交親盈盤紫蟹千卮酒添得臨岐淚滿巾

廣陵李僕射借示近詩因投獻

朝論國計暮論兵餘力猶隨鳳藻生語繼盤盂拋俗格

氣兼河岳帶商聲
閒尋綺思千花麗
靜想高吟六義清

天

一作文

柄已持堯典在更堪回首問緣情

三衢哭孫員外

燕戀雕梁馬戀軒
此心從此更何言
直將塵外三生命
未敵君侯一日恩
紅蠟有時還入夢
片帆何處獨銷魂
忍看明發衣襟上
珠淚痕中見酒痕

篋中得故王郎中書

鳳里前年別望郎
丁寧唯恐滯吳鄉
勸疎杯酒知妨事

乞與書題作畏糧革鹿未能移海曲縣花尋已落河陽
九原自此無因見反覆遺蹤淚萬行

淚

逼臉橫頤咽復勻也曾讒毀也傷神自從魯國潛然後
不是姦人即婦人

子規

銅梁路遠草青青此恨那堪枕上聽一種有冤猶一作無
可報不如銜石疊滄溟

姑蘇臺

讓高泰伯開基日賢見延陵復命時
未會子孫因底事解崇臺榭為西施

王濬墓

男兒未必盡英雄但到時來即命

一作命即

通若使吳都猶

一作有

王氣將軍何處立殊功

京中晚望

心如野鹿跡如萍謾向人間性一靈
往事不知多少夢

夜來和酒一時醒

寄竇澤處士二首

蘭亭醉客舊知聞
欲問平安隔海雲
不是金陵錢太尉
世間誰肯更容身

鰲背樓臺拂白榆
此中槎客亦踟躕
牢山道士無仙骨
却向人間作酒徒

御定全唐詩卷六百五十八

欽定四庫全書

集部

御定全唐詩卷六百

五十九至
六十二

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官庶吉士臣范鏊

謄錄監生臣戴朝琛

欽定四庫全書

御定全唐詩卷六百五十九

羅隱

省試秋風生桂枝

涼吹從何起中宵景象清
漫隨雲葉動高傍桂枝生
漠漠看無際蕭蕭別有聲
遠吹斜漢轉低拂白榆輕
寥泚工夫大乾坤歲序更
因悲遠一作未歸客長望一枝榮

思故人

故人不可見聊復拂鳴琴鵲繞風枝急螢藏露草深平生四方志此夜五湖心惆悵友朋盡洋洋漫好音

寄陸龜蒙

李相公在淮南徵陸龜蒙詩

龍樓李丞相昔歲仰高文黃閣尋無主青山竟未焚夜船乘海月秋寺伴江雲却恐塵埃裏浮名點污君

題方干詩

中間李建州夏汭偶同遊顧我論佳句推君最上流九霄無鶴板雙鬢老漁舟世難方如此何當浣旅愁

秋江

秋江待晚潮客思旆旌搖

一作送

細雨翻蘆葉高風却

一作

怯柳條兵戈村落破饑儉虎狼驕吾土兼連此離魂望裏消

寄制誥李舍人

梁王握豹韜雪裏見枚臯上客趨丹陛遊人歎二毛門
閑知待詔星動想濡毫一首長楊賦應嫌索價高

秋日懷孟夷庚

秋日

一作葉

黃陂下孤舟憶共誰江山三楚分風雨二妃

祠知己秦紹沒流年賈鵬悲中原正兵馬相見是何時

送李右丞分司

一本題下有東城二字

分漕

一作曹

得洛川讜議更昭然在

一作左

省曾批敕中臺

肯避權所悲時漸薄共賀道由

一作尤

全賣與清平代相

兼直幾錢

郴江遷客

不是逢清世何由見皂囊事雖危虎尾名勝泊

一作汨

鵝

行毒霧郴江濶愁雲楚驛長歸時有詩賦一為弔沈湘

感舊

劍佩孫弘閣戈鋌太尉

一作大將

營重言虛有位孤立竟無

成丘隴笳簫咽池臺歲月平此恩何以報歸處

一作底事

是

柴荆

鷹

越海霜天暮辭韜野草乾俊通司隸職嚴奉武夫官眼

惡藏蜂

一作鋒

在心羸逐物殫近來脂膩足驅遣不妨難

秋日寄狄補闕

紅塵擾擾間立馬看南山謾道經年往何妨逐日閑病
中霜葉赤愁裏鬢毛斑不為良知在驅車已出關

寄易定公乘億侍郎

侍郎有明皇再見阿蠻舞及龍池柳賦時稱冠絕也

一本題下
無侍郎二字

謝舞仍宮柳高奇世少雙侍中生不到園令死須降班
秩通烏府罇罍奉碧幢昭王有餘烈試為禱迷邦

寄大理徐郎中

一本大理
下有寺字

佐棘竟誰同因思證聖中事雖一作難忘一作亡顯報理合

有陰功官序詵枝老幽塵一作生涯范甑空幾時潘好禮重

與話清風

證聖中徐有功為大理少卿執法平
恕鹿城主簿潘好禮著論以美之也

寄蘇拾遺

拾遺許公之後今
猶居開元中舊第

早歲長楊賦當年一作今諫獵書格高時輩伏言數宦情

疎慷慨傳丹桂艱難保舊居退朝觀一作焚藁草一作應
課草

能望一作忘馬相如

寄許融

題作與于
韞玉話別

多病仍疎拙唯君與我同帝鄉年共老江徼外一作業俱

空燕冷辭華屋蛩

一作蟬

涼恨

一作咽

曉叢白雲高幾許全

屬採芝翁

寄禮部鄭員外

樂郊門風大裴王禮樂優班資冠雞舌人品壓龍頭夜
直爐香細晴編疏草稠近聞潘散騎三十二悲秋

菊

籬落歲云暮數枝聊自芳雪裁纖蘂密金拆小苞香千

載白衣酒一生青女霜春叢莫輕薄彼此有行藏

臺城

水國春常在臺城夜未寒麗華承寵渥江令捧杯盤宴
罷明堂爛詩成寶炬殘兵來吾有計金井玉鉤欄

舊遊

良時不復再漸老更難言遠水猶經眼高樓似斷魂依
依宋玉宅歷歷長卿村今日空江畔相於只酒樽

寄虔州薛大夫

祝融峰下別三載夢魂勞地轉南康重官兼亞相高海
鵬終負日神馬背眠槽會得窺成績幽窗染兔毫

蘇小小墓

魂兮攜李城猶未有人耕好月當年事殘花觸處情向
誰曾豔冶隨分得聲名應侍吳王宴一作日蘭橈暗送迎

寒食日早出

一作春

城東

青門欲曙天車馬已喧闐禁柳疎

一作搖

風雨

一作細

牆花

拆露鮮向誰誇麗景只

一作此

是歎流年不得高飛便迴

頭望紙鷲

秋日懷賈隨進士

邊寇日騷動故人音信稀長纓慙賈誼孤憤

一作塚

憶韓

非曉匣魚腸冷春園鴨掌肥知君安未得聊且示忘機

亂後逢友人

滄海去未得倚舟聊問津生靈寇盜盡方鎮改更貧

一作

頻夢裏舊行處眼前新貴人從來事如此君莫獨霑巾

殘花

一作楊發詩

已歎良時晚仍悲別酒催
暖芳隨日薄輕片逐風迴
黛歛愁歌扇妝殘泣鏡臺
繁陰莫矜街終是共塵埃

秋日富春江行

遠岸平如翦澄江靜似鋪
紫鱗仙客馭金顰李衡奴
冷夢羣一作千山濶清涵萬象殊
嚴陵亦高見歸臥是良圖

寄侯博士

規諫揚雄賦遭迴賈誼官
久貧還往少孤立轉遷難
清鏡流年急高槐旅舍寒
侏儒亦何有飽食向長安

送沈光侍御赴職閩中

未至應居右全家出帝鄉
禮優逢苑雪官重帶臺霜
夜

浦吳潮吼

一作亂

春灘建水狂延平有風雨
從此是騰驤

寄袁皓侍郎

東臺

一作堂

失路岐榮辱事堪悲我寢牛衣
敝君居易角

危風塵慙上品才業愧明時
千里芙蓉幕何由話所思

寄金吾李孫常侍

西班牙掌禁兵蘭錡最分明
曉色嚴天仗春寒避火城
安

危雖已任韜略即嘉聲請問何功德壺關寇始平

商於驛與于蘊玉話別

南朝徐庾流落下憶同遊酒采閑坊菊山登遠寺樓相思勞寄夢偶別已經秋還被青青桂催君不自由

封禪寺居

盛禮何由覩嘉名偶寄居周南太史淚蠻徼長卿書砌竹搖風直庭花泣

一作滴

露疎誰能賦秋興千里隔吾廬

錢

志士不敢道貯之成禍胎小人無事藝假爾作梯媒解
釋愁腸結能分睡眠開朱門狼虎性一半逐君回

投寄韋右

一作左丞

赤壁徵文聘中臺拜郤詵官

一作班

資參令僕曹署轄

一作

豁星辰幙被從誰起持綱自此新舉朝明典教

一作舉明朝典

數封納詔書頻禁樹曾摘藻臺烏舊避塵便應酬倚注

何處話

一作活

窮鱗

紅葉

不奈荒城畔那堪晚照中野晴霜浥綠山冷雨催紅遊
子灞陵道美人長信宮等閒居一作俱歲暮搖落意無窮

期徐道者不至

遼鶴虛空語冥鴻未易親偶然來即是必擬見無因霜
霰窮冬令一作冷杯盤旅舍貧只應薊子訓醉後嬾分身

歲除夜

一本題上
無歲字

官歷行將盡村醪強自傾厭寒思暖律畏老惜殘更歲
月已如此寇戎猶未平兒童不諳事歌吹待天明

雪

盡道豐年瑞豐年事若何長安有貧者為瑞不宜多

旅夢

旅夢思

一作無

遷次窮愁有歎嗟子鵲京口遠粳米會稽

賒漏澀纔成滴燈寒不作花出門聊一望蟾桂向人斜

秋寄張坤

庭樹已黃落閉門俱寂寥未知棲託處空羨聖明朝酒
醒鄉心濶雲晴客思遙吾徒自多感顏子只簞瓢

傷華髮

舊國迢迢遠
清秋種種新
已衰曾軫慮
初見忽霑巾
日薄梳兼嬾
根危鐫恐頻
青銅不自見
只擬老他人

九江早秋

雨過晚涼生
樓中枕簟清
海風吹亂木
巖磬落孤城
百歲幾多日
四蹄無限程

一作塵

西鄰莫高唱
俱是別離情

初秋寄友人

九華曾屏跡
懼亂與心違
是處堪終老
新秋又未歸
病

中芳草歇愁裏白雲飛樵侶兼同志音書近亦稀

秋居有寄

端居湖岸東生計有無中
魘處千般鬼寒時百種風
性靈從道拙心事柰成空
多謝金臺客何當一笑同

雪霽

南山雪乍晴寒氣轉崢嶸
鎖却閑門出隨他駿馬行
一竿如有計五鼎豈須烹
愁見天街草青青又欲生

堠子

終日路岐旁前程亦可量未能慙面黑只是恨頭方雅
旨逾千里高文近兩行君知不識字第一莫形相

初夏寄顧紹宗

江上偶分袂四回寒暑更青山無路入白髮滿頭生郢
浦鴈尋過鏡湖蟬又鳴憐君未歸日杯酒若為情

寄第五尊師

茗溪煙月久因循野鶴衣裘獨繭綸只說泊船無定處
不知攜手是何人朱黃揀日囚尸鬼青白臨時注腦神

欲訪先生問經訣世間難得不自一作由身

寄西華黃鍊師

西華有路入中華依約山川認永嘉羽客昔時留篠簜
故人今又種煙霞壇高已降三清鶴海近應通八月槎
盛事兩般君總得老萊衣服戴顓家

所思

一題作西上

西上青雲未有期東浮滄海一一作去何遲酒闌夢覺不

稱意花落月

一作眼

明空所思長恐病侵多事日可堪貧

過少年時鬪雞走狗

一作犬

五陵道惆悵輸他輕薄兒

御定全唐詩卷六百五十九

欽定四庫全書

御定全唐詩卷六百六十

羅隱

送支使蕭中丞赴闕

八年刀筆到京華
歸去青冥路未賒
今日風流卿相客
舊時基業帝王家
彤庭彩鳳雖添瑞
望府紅蓮已減花
從此常僚如有問
海邊麋鹿斗邊槎

送人歸湘中兼寄舊知

青溪煙雨九華山亂後應同夢寐間
萬里分飛休掩袂
兩旬相見且開顏
君依宰相一作府
貂蟬貴我戀王門鬢
髮斑為謝伏波筵上客
幾時金印擬西還

自貽

衰老應難更進趨
藥畦經卷自朝晡
縱無顯效一作職
亦

藏拙若有所成甘守株
漢武巡遊虛軋軋
秦皇吞併謾
驅驅如何只見丁家鶴
依舊遼東歎綠蕪

暇日感懷因寄同院吳蛻拾遺

壁池清秩訪燕臺曾捧瀛洲札翰來今日二難俱大夜
當時三幅謾高才戲悲槐市便便筭狂憶樟亭滿滿杯
猶幸小蘭同舍在每因相見即銜哀

偶興

逐隊隨行二十春曲江池畔避車塵如今贏得將衰老
閒看人間得意人

題鑿石山僧院

日夜潮聲送是非一迴登眺一忘機憐師好事無人見

不把蘭芽染褐衣

圍城偶作

東望陳留日欲曛
每因刀筆想夫君
自從郭泰碑銘後
只見黃金不見文

烏程

兩府攀陪十五年
郡中甘雨幕中蓮
一鉶猶是烏程酒

須對霜風度

一作淚

泣然

送楊鍊師却歸貞浩

一作浩

巖

宦

一作官

途不復更經營歸去東南任意行別後幾回思

會面到來相見似前生久居竹蓋知勤苦舊業蓮峰想
變更為謝佯狂吳道士耳中時有鐵船聲

暇日投錢尚父

牛斗星邊女宿間棟梁虛敞麗江關望高漢相東西閣
名重淮王大小山醴設闢傾金鑿落馬蹄爭撼玉連環
自慙麋鹿無能事未報深恩鬢已斑

覽晉史

張翰思吳中
鱸膾蓴羹

齊王僚屬好男兒偶覓東歸便得歸
滿目路岐拋似夢一船風雨去如飛
盤擎紫線蓴初熟箸撥紅絲鱠正肥
惆悵途中無限事與君千載兩忘機

感別元帥尚父

一題作病中
上錢尚父

玉函瑤檢下台司記得當時

一作年

捧領時半壁龍蛇蟠

造化滿筐山岳動神祇疲牛舐犢心猶切
陰鶴鳴雛力

已衰稚子不才身抱疾日窺貞

一作真

跡淚雙垂

尚父偶建小樓特搞麗藻絕句不敢稱揚三首

結構叨馮柱石才敢期幢蓋此裴回陽春曲調高誰一作

難和盡日焚香倚隗臺

璚簪珠履愧非才時凭闌干首重迴只待淮妖翦除後
別傾卮酒賀行臺

闌檻初成愧楚才不知星彩尚迂迴風流孔令陶鈞外
猶記山妖逼小臺

題玄同先生草堂三首

杳杳諸天路蒼蒼大滌山景興留不得毛節去應聞相

府舊知己教門新啓關太平匡濟術流落在人間
先生訣行日曾奉數行書意密尋難會情深恨有餘石
橋春暖後句漏藥成初珍重雲兼鶴從來不定居
常時憶討論歷歷事猶存酒向餘杭盡雲從大滌昏往
來無道侶歸去有台恩自此玄言絕長應閉洞門

城西作

從軍無一事終日掩空齋道薄交游少才疎進取乖野
禽鳴聒耳庭草綠侵階幸自同樗櫟何妨愜所懷

冬暮城西晚眺

謬忝蓮華幕，虛霑柏署官。
歌危長抱疾，衰老不禁寒。
時事已日過，世途行轉難。
千崖兼萬壑，只向望中看。

秋霽後

淨碧山光冷，圓明露點勻。
渚蓮丹臉恨，堤柳翠眉顰。
蟬已送行客，燕應辭主人。
蠅蚊漸無况，日晚自相親。

茅齋

從事不從事，養生非養生。
職為尸祿本，官是受恩名。
時

態已相失歲華徒自驚西齋一卮酒衰老與誰傾

使者

使者銜中旨崎嶇萬里行人心猶未革天意似難明四海霍光第六宮張奉營陪臣無以報西望不勝情

途中逢劉知遠

吳楚煙波裏巢由季孟間只言無事貴不道致身閑別渚蓮根斷歸心桂樹頑空勞鍾璞意塵世隔函關

遁跡

遁跡知安住
霑襟欲奈何
朝廷猶禮樂
郡邑忍干戈
華馬憑誰問
胡塵自此多
因思漢明一作帝中夜憶廉頗

隴頭水

借問隴頭水
年年恨何事
全疑嗚咽聲
中有征人淚
自古無長策
況我非深智
何計謝潺湲
一宵空不寐

秦中富人

高高起華堂
區區引流水
糞土金玉珍
猶嫌未奢侈
陋巷滿蓬蒿
誰知有顏子

思歸行

一作于
貢詩

不耕南畝田為愛東堂桂身同樹上花一落又經歲交

親亦

一作
並

相薄知己恩潛替日開十二門自是無歸計

即事中元甲子

一作韋
莊詩

三秦流血已成川塞上黃雲戰閭閻只有羸兵填渭水

終無奇事

一作
士

出商山田園已沒紅塵內弟姪相逢白

頭間惆悵翠華猶未返淚痕空滴劍文斑

魏城逢故人

一題作綿谷迴
寄蔡氏昆仲

一年兩度錦江

一作城

遊前值東風後值秋芳草有情皆

礙馬好雲無處不遮樓山將別恨和心斷水帶離聲入

夢流今日因君試回首

一作不堪回首望

澹

一作古

煙橋

一作高

木

隔綿州

遊江夏口

醉別江東酒一杯往年曾此駐塵埃魚聽建業歌聲過
水看瞿塘雪影來黃祖不能容賤客費禕終是負仙才
平生膽氣平生恨今日江邊首嬾迴

春思

蕩漾春風淥似波，惹情搖恨去傿傿。
燕翻永日音聲好，柳舞空城意緒多。
蜀國暖迴溪一作浮，峽浪衛娘清轉過。

雲歌可憐戶外桃，兼李仲蔚蓬蒿柰爾何。

黃鶴驛寓

一作偶題

野雲芳草繞離鞭，敢對青樓倚少年。
秋色未

一作來催榆

塞鴈人心先下洞庭船，高歌酒市非狂者。
大嚼屠門亦

偶然，車馬同歸莫同恨。古人頭白盡林泉。

安陸贈徐礪

靈虵橋下水聲聲
曾向橋邊話別情
一榻偶依陳太守
三一作二年深憶禰先生
塵欺鬢色非前事
火熬蓬根有去程
還把餘杯重相勸
不堪秋色背鄖城

寄鍾常侍

一從朱履步金臺
蘂苦冰寒奉上台
峻節不由人學得
遠途終是自將來
風高漸展摩天翼
幹聳方呈構厦材
應笑樟亭舊同舍
九州無驗滿爐灰

中秋夜不見月

陰雲薄暮上空虛
此夕清光已破除
只恐異時開霽後
玉輪依舊養蟾蜍

魏博羅令公附卷有迴

寒門雖得在諸宗
棲北巢南恨不同
馬上固慙消髀肉
幄中由羨愈頭風
蹉跎歲月心仍切
迢遞江山夢未通

深荷吾宗有知己
好將刀筆一作筆力為一作當英雄

寄處默師

甘露卷簾看雨脚
樟亭倚柱望潮頭
十年顧我醉中過
兩地與師方外遊
久隔兵戈常寄夢
近無書信更堪憂
香爐煙靄虎溪月
終棹鐵船尋惠休

病中上錢尚父

左脚方行右臂攣
每慙名跡污賓筵
縱饒吳土容衰病
爭奈燕臺費料錢
藜杖已乾難更把
竹輦雖在不堪懸
深恩重德無言處
迴首浮生淚泫然

御定全唐詩卷六百六十

欽定四庫全書

御定全唐詩卷六百六十一

羅隱

送梅處士歸寧國

十五年前即別君，別時天下未紛紜。
亂罹一作離

一作離

且喜身

俱在存，沒那堪耳。更聞良會謾勞悲，
曩跡舊交誰去弔。荒墳殷勤為謝逃，
名客想望千秋嶺上雲。

經故友所居

一題上有瓊華觀三字

槐花漠漠向人黃此地追遊跡已荒清論不知莊叟達
死交空歎趙岐忙一作亡病來未忍言閒事老去唯知覓
醉鄉日暮街東策羸馬一聲橫笛似山陽

大梁從事居汜水

一作題作贈
盧從事

前年帝里望

一作從

行塵記得仙家第四人泉暖舊諳龍

偃息露寒初見鶴精神歌聲上榻梁園晚夢遶殘鐘汜
水春知有篋中編集在只應從此是經綸

杜處士新居

翠斂王孫草荒誅宋玉茅寇餘無故物時薄少深交迸
笋穿一作侵行徑饑雛出壞巢小園吾亦有多病近來拋

絕境

絕境非身事流年但物華水梳落髮直風引蕙心斜凡
客從題鳳膚音未勝蛙小船兼有棹始與問漁家

雪中懷友人

臘酒復臘雪故人今越鄉所思誰把醖端坐恨無航免
苑舊遊盡龜臺仙路長未知鄒孟子何以奉梁王

秋晚

牢邑慙良術為文愧壯圖縱饒長委命爭奈漸非夫
杯酒有時有亂懼一作離無處無金庭在何域回首一踟躕

昇仙

一作橋

危梁枕路岐駐馬問前時價自友朋得名因婦女知直
須論運命不得逞丈詞執戟君鄉里榮華竟若為

姑蘇貞娘墓

墓在虎丘西寺內

春草荒墳墓萋萋向虎丘死猶嫌寂寞生肯不風流皎

鏡山泉冷輕裾

一作裾

海霧秋還應伴西子香逕夜深遊

靈山寺

晚景聊攄抱憑欄幾蕩魂檻虛從四面江闊奈孤根幽
徑薜蘿色小山落蘚痕欲依師問道何處繫心猿

倚櫂

倚櫂聽鄰笛霑衣認酒壚自緣悲巨室誰復為窮途樹
解將軍夢城遺御史烏直應齊始了傾酌向寒蕪

秋夕對月

夜月色可掬倚樓聊解顏未能分冠盜徒欲滿關山背

冷金蟾滑毛寒玉兔頑姮娥謾偷一作九藥長寡一作短老

中閒

寄徵士魏員外

家

一作嘉

遁蘇門節清貧粉署官不矜朝命重只恨路行

難窗曉鷄譚倦庭秋蛩夢闌羨君歸未得還有釣魚竿

宿彭蠡館

孤館少行旅解鞍增別愁遠山矜薄暮高柳怯清秋病

裏見時態醉中思舊遊所懷今已矣何必恨東流

螢

空庭

一作秋

夜未央點點

一作的

度西牆抱影何微

一作卑

細

乘時忽發揚不思因

一作曾

腐草便擬倚孤光若道能通

照

一作通文翰

車公業肯長

早秋宿葉墮所居

池荷葉正圓長厯報時殫曠野雲蒸熱空庭雨始寒蠅
蚊猶得志簟席若為安浮世知誰是勞歌共一懽

蜨

漢

一作滕

王刀筆精寫爾逼天生舞巧何妨急飛高所恨

輕野田黃雀慮山館主人情此物那堪作莊周夢不一作

未成

春居

春

一作東

風百卉搖舊國路迢迢偶病成疎散因貧得寂

寥

倚簾

一作檐

高柳弱乘露小桃天春色常無處村醪更

一瓢

輕颺

輕颺掠晚莎秋物慘關河戰壘平時少齋壇上處多楚
雖屈子重漢亦憶廉頗不及雲臺議空山老薜蘿

燕

不必嫌漂露何妨養羽毛漢妃金屋遠盧女杏梁高野
迴雙飛急煙晴對語勞猶勝黃雀在棲息是蓬蒿

陝西晚思

長途已自窮比去更西東樹色榮衰裏人心往返中別

情流水急歸夢故山空莫忘交遊分從來事一同

除夜寄張達

梅花已著眼竹葉況黏唇只此留殘歲那堪憶故人亂

罹

一作離

書不遠

一作達

衰病日相親江浦思歸意明朝又

一春

寄酬鄴王羅令公五首

一本前三首題作感德叙懷寄上羅鄴王

營室東迴廡丘少年承襲擁青油坐調金鼎尊明主

橫把琬戈拜

一作傲

列侯書札二王爭巧拙篇章七子避

風流西園舊跡今應在衰老無因奉勝游

脉散源分歷幾朝縱然官宦只卑

一作賓

僚正憂末派淪

滄海忽見高枝拂絳霄十萬貔貅趨玉帳三千賓客珥

金貂良時難得吾宗少應念寒

一作衰

門更

一作久

寂寥

敢將衰弱附強宗細算還緣血脉同湘浦煙波無舊跡

鄴都蘭菊有遺風每憐惟

一作離

亂書猶達所恨雲泥路

不通珍重珠璣兼繡段草玄堂下寄揚雄

水雲開霽立高亭依約黎陽對福星只見篇章矜鏤管

不知勲業柱青冥早緣入夢金方礪晚為傳家鼎始銘

鶴髮四垂煙閣遠此生何處拜儀形

一作處

錦笈朱囊

一作瓊箱

連復連紫鸞飛下

一作銜到

浙江邊綃從海

室奪煙霧樂奏帝宮勝管弦長笑應劉悲一作非顯達每

嫌伊霍少詩篇戴灣老圃根基薄虛費工夫八十年

春日投錢塘元帥尚父二首

正憂衰老

一作老

辱金臺敢望昭王顧問來門外旌旗屯

豹虎壁間章句動風雷三都節已聯翩降兩地花應次

第開若比紫髯分鼎足未聞餘力有瓊環

征東幕府十三州敢望非才忝上游官秩已叨吳品職
姓名兼顯魯春秋鹽車顧後聲方重火井窺來焰始浮
一句黃河千載事麥城王粲謾登樓

錢塘府亭

新恩別啓館娃宮還拜吳王向此中九牧土田周制在
兩藩茅社漢儀同春生舊苑芳洲雨香入高臺小徑風
更有寵光人未見問安調膳盡三公

野狐泉

在百丈山後昔懷誨禪師說法有老人來聽經曰墮落此山今大幸矣明日一

老狐斃

崖下

百丈山

在江西南昌府奉新縣

滴滴寒光濺路塵相傳妖物此潛身又應改換皮毛後
何處人間作好人

宿紀南驛

策蹇南游憶楚朝陰風淅淅樹蕭蕭不知無忌姦邪骨
又作何山野葛苗

贈無相禪師

人人盡道事空王，心裏忙於市井忙。
惟有馬當山上客，死門生路兩相忘。

遣興

青雲路不通，歸計奈長蒙。
老恐醫方誤，窮憂酒醖空。
何堪懼一作離亂後，更入是非中。
長短遭譏笑，迴頭避釣翁。

江夏酬高崇節

臘雪都堂試，春風汴水行。
十年雖抱疾，何處不無情。
羣盜正當路，此游應隔生。
勞君問流落，山下已躬耕。

鷓鴣聲

井上梧桐暗花間霧露晞一枝晴復暖百轉是兼非金
屋夢初覺玉關人未歸不堪閑日聽因爾又霑衣

倣

一作效

玉臺體

青樓枕路隅壁甃復椒塗晚夢通簾桺春寒逼酒醺解
吟憐芍藥難見恨菖蒲試問年多少鄰姬亦姓胡

御定全唐詩卷六百六十一